

Broj: 03-01-48/26 D
Datum: 03.08.2026. godine

Na osnovu člana 17. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, br. 19/21, 10/22, 28/23 i 32/24), člana 50. tač. 7), 15), 16) i 17) Statuta Javnog preduzeća „CENTAR“ d.o.o. Sarajevo, broj: 11-11-4872/25 od 20.01.2026. godine, a u vezi sa Zapisnikom sa prve sjednice Komisije za provođenje postupka prijema radnika u radni odnos u JP „CENTAR“ d.o.o. Sarajevo, broj: 03-01-46/26 K od 29.07.2026. godine, v.d. direktora JP „CENTAR“ d.o.o. Sarajevo donosi

ODLUKU
O PONIŠTENJU JAVNOG OGLASA ZA PRIJEM RADNIKA U RADNI ODNOS NA NEODREĐENO VRIJEME

Član 1.

Poništava se Odluka o raspisivanju Javnog oglasa za prijem radnika u radni odnos na neodređeno vrijeme u JP „CENTAR“ d.o.o. Sarajevo, broj: 03-01-36/26D od 01.07.2026. godine, kao i Javni oglasi pod brojevima: 03-01-37/26D, 03-01-38/26D, 03-01-39/26D i 03-01-40/26D od 01.07.2026. godine, objavljeni dana 06.07.2026. godine.

Član 2.

Poništenje Javnog oglasa odnosi se na sljedeća radna mjesta:

1. Šef Službe za tehničko održavanje i upravljanje javnim površinama i objektima – jedan izvršilac na neodređeno vrijeme;
2. Viši referent za administrativne poslove – jedan izvršilac na neodređeno vrijeme;
3. Radnik na komunalno-tehničkom održavanju javnih površina i objekata – pet izvršilaca na neodređeno vrijeme;
4. Pomoćni radnik na komunalno-tehničkom održavanju javnih površina i objekata – tri izvršioca na neodređeno vrijeme.

Član 3.

Postupak prijema radnika pokrenut na osnovu Javnog oglasa iz člana 1. ove odluke obustavlja se danom donošenja ove odluke.

Komisija za provođenje postupka prijema radnika neće preduzimati daljnje radnje u predmetnom postupku.

Član 4.

Zadužuje se Komisija za provođenje postupka prijema radnika da sve zaprimljene i neotvorene prijave, zajedno sa evidencijama i ostalom dokumentacijom postupka, preda u službenu evidenciju i arhivu JP „CENTAR“ d.o.o. Sarajevo.

Sa zaprimljenim prijavama postupit će se u skladu sa važećim propisima, pravilima kancelarijskog i arhivskog poslovanja te pravilima zaštite ličnih podataka.

Član 5.

Ova odluka objavit će se na web-stranici JP „CENTAR“ d.o.o. Sarajevo, dnevnom listu Oslobođenje, web-stranici JU „Služba za zapošljavanje Kantona Sarajevo“, oglasnoj ploči Preduzeća i na drugi način propisan Uredbom.

Član 6.

Ova odluka stupa na snagu danom donošenja.

Obrazloženje

JP „CENTAR“ d.o.o. Sarajevo donijelo je Odluku o raspisivanju Javnog oglasa za prijem radnika u radni odnos na neodređeno vrijeme, broj: 03-01-36/26 od 01.07.2026. godine.

Javni oglasi brojevi: 03-01-37/26 D, 03-01-38/26 D, 03-01-39/26 D i 03-01-40/26 D od 01.07.2026. godine od 01.07.2026. godine objavljen je dana 06.07.2026. godine na Oglasnoj ploči JP CENTAR d.o.o. Sarajevo, web-stranici JP CENTAR d.o.o. Sarajevo, web-stranici JU „Služba za zapošljavanje Kantona Sarajevo“, kao i u dnevnom listu „Oslobođenje“. Rok za podnošenje prijava istekao je 21.07.2026. godine.

Odlukom broj: 03-01-36/26 D od 01.07.2026. godine imenovana je Komisija za provođenje postupka prijema radnika.

Komisija je na prvoj sjednici, održanoj 29.07.2026. godine, nakon razmatranja okolnosti i dokumentacije značajne za dalje provođenje postupka, utvrdila nepravilnosti koje mogu uticati na zakonitost, transparentnost i ravnopravnost kandidata u postupku prijema.

Komisija je ocijenila da utvrđene nepravilnosti mogu uticati na pripremu kandidata za provjeru znanja i osiguravanje jednakih uslova za sve kandidate.

Komisija je Zapisnik broj: 03-01-46/26 K od 29.07.2026. godine, zajedno sa pratećom dokumentacijom, dostavila vršiocu dužnosti direktora na razmatranje i odlučivanje u okviru njegovih nadležnosti.

Radi zaštite ravnopravnosti kandidata, transparentnosti postupka i zakonitosti rada Preduzeća, odlučeno je kao u dispozitivu ove odluke.



Haris Šarić
v.d. direktora
JP „Centar“ d.o.o. Sarajevo